

# Powšitkowne WOZJEWJENJA

njedźelu, 14. junija 2026

## **Nabožne wusyłanja w serbskim rozhłosu**

Ewangelske nabožne wusyłanje w Serbskim rozhłosu MDR tutu njedźelu, 14. junija, budže we wobłuku Serbskeho ewangelskeho cyrkwinskeho dnja we Wojerecach. Kemše wusyłaja wot 10.00 hodž. live. Nabožne wusyłanje w 12.00 hodž. tohodla njebudže. Wotkaz na nabož wusyłanje w mediatece MDR je pod [www.posol.de](http://www.posol.de) podaty.

## **W serbskim chórze na putnikowanju džěći sobu spěwać**

Na lětušim putnikowanju džěći ze wšeho biskopstwa do Róžanta, kotrež budže srjedu, 8. julija, wobrubitej zhromadny džěćacy chór Drježdžansko-Mišnjanskeho a Zhorjelskeho biskopstwa kaž tež projektowy chór serbskich džěći Božu mšu a nyšpor. Džěći, kotrež chcedža tón dzeń w serbskim chórze sobu spěwać, su lubje witane. Spěwy nazwučuja sobotu, 20. junija, wot 9.00 do 11.00 hodž. a sobotu, 4. julija, wot 10.00 do 11.30 hodž. we Worklečanskim Don Boskowym domje. Wobě probje stej wuměnjenje za spěwanje w projektnym chórze. Přizjewjenja přijimuju hač do póndžele, 15. junija, online. Link je pod [www.posol.de](http://www.posol.de) wozjewjeny.

## **Přednošk wo serbskich misionarach**

Budyski Serbski muzej přeprošuje na „Kofej w třoch“. Srjedu, 17. junija, w 15.00 hodž. budže tam dr. Lubina Malinkowa, wědomostna sobudžělačerka Serbskeho instituta, k temje „Z Łužicy do swěta. Serbscy misionarajo“ přednošować. Něhdže 70 žonow a muži ze serbskeje Łužicy běše so w 18. a 19. lětstotku z ewangelskich Serbow na misionisku službu podało. W nadawku Ochranowskeje bratrowskeje jednoty skutkowachu w Grönlandskej a Labradorje, w Surinamje a Africe. Doma pak wustupowachu na misioniskich swjedženjach a džělachu swoje nazhonjenja z dalokeho swěta. Referentka poda so w duchu na slědy serbskich misionarow w zamórskich krajach a we Łužicy. Nimo toho zhonja wopytowarjo mjez druhim, što so za něhdyšej tibetskej zběrku w Serbskim muzeju chowa. Dr. Lubina Malinkowa přednošuje w rjedže „Sorabistika po puću“.

## **Modlenje w Róžeńće**

Na modlenje před Najswjećišim su wěriwi sobotu, 20. junija, we 18.00 hodž. do Róžeńčanskeje hnadowneje cyrkwe přeprošeni. Pačerje budu w serbskej a němskej řeči spěwane.

## **Klósterski a swójbny swjedzeń**

Miłočanski křesćansko-socialny kubłanski skutk z.t. přeprošuje zhromadnje z klóštrom Marijinej hwězdu w Pančicach-Kukowje na klósterski a swójbny swjedzeń Budyskeho wokrjesa. Po Božej mši njedźelu, 21. junija, w 10.30 hodž. z generalnym wikarom Andreasom Kutschku pokročuja z pisanim programom na klósterskim dworje za swójby a džěći. Tež regionalne a přirodne wiki maja zaso předwidžane. W 17.30 hodž. budže zakónčacy ekumeniski nyšpor.

## **Ministrantska kopańca**

Koparski turněr ministrantow ze serbskich wosadow budže sobotu, 27. junija, w Pěs-kecach. Započatk je w 9.00 hodź. z Božej mšu we wjesnej kapałce.

## **Swjedźenske kemše z biskopom Timmereversom**

Drježdžansko-Mišnjanske biskopstwo swjeći lětsa 275. róčnicu wobstaća něhdyšeje Dwórskeje cyrkwy z wjacore tydženje trajacym programom. Wjeršk swjatočnosćow budže pontifikalna Boža mša z biskopom Heinrichom Timmereversom njedzelu, 28. junija, w 10.00 hodź., kotraž chce sćelak MDR w rozhlósu originalnje wusyłać. Kemše tohorunja přez livestream přenjesu. Wotkaz k tomu je pod [www.posol.de](http://www.posol.de) podaty. Něhdyša Dwórska cyrkej je wot 1980 katedrala Drježdžansko-Mišnjanskeho biskopstwa a po přestrjeni Sakskeje najwjetši katolski Boží dom.

## **Serbske kemše w Drježdžanach**

Drježdžanscy Serbja – wosebje tež młodži – su na maćernorěčnu Božu mšu njedzelu, 28. junija, hižo w 15.00 hodź. do cyrkwy swjateho Antonija na Bünauskej 10 přeprašeni. Přizamknje so bjesada ze swačinu.

## **Lětni koncert w Radworju**

Chór Meja přeprašuje na swój lětni koncert, kotryž budže njedzelu, 28. junija, w 16.00 hodź. na farskej zahrodze w Radworju. Wot 15.30 hodź. poskića swačinu. Jako hosći su sej lětsa džěći rejwarskeje skupiny „Łužičanka“ přeprašyli.

## **Kubłanje na polu prewencije přećiwo seksualizowanej namocy**

Worklečanske dekanatne dušepastyrstwo za džěći a młodžinu poskićuje kubłanje k prewencji přećiwo seksualizowanej namocy. Wone wotměje so pónězlu, 29. junija, wot 16.30 do 19.45 hodź. we Worklečanskim Don Boskowym domje. Referentka je Juliane Neutsch-Hebeis. Za zarjadowanje, kiž budže w němskej rěči, měli so zajimcy pod [www.posol.de](http://www.posol.de) přizjewić. Ličba městnow je wobmjezowana. Prewencija přećiwo seksualizowanej namocy je wažny wobstatk džěła z džěćimi a młodžinu we wosadach. Zarjadowanje je winowatostne za wšitkich pomocnikow nabožneho prózdninskeho tydženja we wosadach, ale tež za dalšich čestnohamtsce skutkowacych, kotřiž maja tam zwisk z džěćimi a młodostnymi, na přikład w sakristiji abo ze šolu.

## **Pječ lět Caritas Worklecy**

Dnjowa hladarnja Carity „Při Krabatowym puću“ we Worklecach woswjeći sobotu, 4. julija, swoje pječlětnje wobstaće. To chce z hosćimi před domom hladarnje Při zelenišćach 5 činić. Wot 16.00 hodź. zahudzi dujerska kapała Horjany a wot 19.00 hodź. pře- wjedže spěwny kwartet PoŠtyrjoch zjawnu probu. Čelne derjeměće budže zaručene. Wšitcy zajimcy su wutrobnje přeprašeni.

## **Putnikowanje do Krupki**

Lětuše putnikowanje młodžiny do Krupki je wot njedzele do pjatka, 26. do 31. julija. Putniske kemše w Krupce budu srjedu, 29. julija, w 10.00 hodź. Štóž chcył kemši z busom sobu jěć, měł so w Radworskim Šmitec-Schwarzec wozydłownistwje přizjewić, telefonowe čisło (03 59 35) 28 60.

## **Kongres „Adoratio“ w Nowej Cali**

W cistercienskim prioraće w Nowej Cali wotměje so wot pjatka do njedźele, 3. do 5. julija, kongres „Adoratio“. W srjedzišći steja modlenje před Najswjećišim, zhromadnej Božej mši, swědčenje wěry a zetkanje. Program započnje so pjatk w 19.00 hodź. z Emmausowej wigiliju. Sobota wopřijima wot 9.00 do 20.00 hodź. rózowc, Božu mšu z farskim wikarom Rupertom Santnerom, kiž budže po wobjedže a swačini přednosać, hodžinske modlenje z mnichami kaž tež chwalospěw a swědčenje sotry M. Pauliny Jacobi. Wona skutkuje zhromadnje ze serbskej sotru Alojsiju Rječkec w awstriskim Maria Schutz. Njedzelu pokročuja wot 9.30 do 12.00 hodź. z rózowcom a Božej mšu z fararjom Winfriedom Abelom. Zajimcy měli so online abo z mailku na kontakt@mariafriedenshort.de přizjewić. Link je pod [www.posol.de](http://www.posol.de) podaty.

## **Swjedźenski dzeń we Vilémovje ze serbskim podžělom**

W sewjeročěskim Vilémovje (Wölmsdorf) spominaja lětsa na 300. róčnicu poswěćenja tamnišeje cyrkwy Marije donjebjeswzaća. Tole kaž tež 200lětnu wobstaću putnikowanja k swjatnicy, kiž měješe sčasami wobšěrny serbski podžěl, chcedža na swjedženju Marije donjebjeswzaća, sobotu, 15. awgusta, wopominać. Wosebje Łužicy Serbja su na to wutrobne přeprošeni. Zdobom chcedža zarjadowarjo na tónle kapitl putniskich stawiznow dopominać a serbsku putnisku tradiciju zaso sylnišo do wědomja zwołać. W zhromadnym dźěle z Budyskim Serbskim muzejom pokazaja we wobłuku wjesneho swjedženja wustajeńcy „Prjedy hač woteńdžeš“ a „PRISMA. Žiwjenje při Klósterskej wodze.“ Tež historiske wobrazy k putnikowanju, mjez nimi putnicy w serbskej narodnej drasće, móža sej wopytowarjo wobhladać. Wjeršk swjatočnosćow budže putniska Boža mša w 17.00 hodź. Hłowny celebrant budže Praski arcybiskop Stanislav Přebyl. Cyrkwinski chór Vilémova za tutu składnosć tež serbske kěrlušy přihotuje. Z tym chcedža tam swoju zwjazanosć ze Serbami zwuraznić. Po kemšach su wosadni a putnicy na zhromadny wjesny swjedžěn z pohosćenjom přeprošeni.

## **Wukubłanje za přewod „Eksercicijow we wšědnym žiwjenju“**

Drježdžansko-Mišnjanske biskopstwo startuje nazymu nowe, lěto trajace wukubłanje, kotrež ludźi za to kwalifikuje, spirituelny poskitk „Eksercicijow we wšědnym žiwjenju“ samostatnje přewodzeć. Kurs měri so na hłownohamtskich pastoralnych sobudžěłaćerjow runje tak kaž na angažowanych čestnohamtskich katolskeje cyrkwy a ewangelskeje krajneje cyrkwy. Wukubłanje w času wot septembra 2026 hač do nowembra 2027 wopřijima zeznawanski dzeń, štyri prezencne module w Drježdžanskim Domje Wysoke duby kaž tež prawidłowne digitalne zetkanja k pohłubšenju. Wuměnjenja za wobdželenje su minimalna staroba 25 lět, wosobinske nazhonjenje eksercicijow kaž tež zwólniwosć, po kwalifikaciji wotpowědne poskitki přewjesć. Zajimowani móža so za požadansku proceduru na nawodnistwo kursa wobroćić, kotrež wobsteji z franciskanskeje sotry Petry Marije Brugger a fararja Gregora Giele. Zajimcy měli so hač do srjedy, 1. julija, pak na mailowu adresu [petramaria.brugger@bddmei.de](mailto:petramaria.brugger@bddmei.de) abo [g.giele@gmx.de](mailto:g.giele@gmx.de) přizjewić. Nadrobniše informacije su pod [www.posol.de](http://www.posol.de) podate.

## **Na pasionske hry do awstriskeho St. Margarethena**

Radworske Šmitec-Schwarzec wozydłownistwo přepróšuje na putnisku jězbu k pasionskim hram do awstriskeho St. Margarethena, kotraž je wot pjatka do wutory, 26. do 30. junija. Předstajenje budže tam pod hołym njebjom před kulisu skały. Nimo toho poskićuja kołoježby. Zajimcy móža so pola Šmitec-Schwarzec wozydłownistwa w Radworju přizjewić, telefonowe čisło (03 59 35) 28 60.

30 lět dušepastyrstwo a hospicna služba w Budyšinje:

### **Boža služba a přednošk Samuela Kocha**

Telefonowe dušepastyrstwo kaž tež ambulantna hospicna a paliatiwna poradźowanska služba w Budyšinje wobstejitej 30 lět. Swjatočnosće ke kulowatej róčnicy zahaja so njedźelu, 21. junija, w 14.00 hodź. z ekumeniskej Božej službu w Budyskej tachantskej cyrkwi swjateho Pětra. Po zhromadnej swačinje na zahrodze katolskeje fary scěhuje w 16.30 hodź. znova w cyrkwi přednošk Samuela Kocha. W decembru 2010 běše wón w zabawnej show ZDF „Wetten, dass ...?“ ćežko znjezbožil. Wuznawacy ewangeliski křesćan je mjeztym wjacore knihi spisał, w kotrychž čitarjam sposrědkuje, kajku nadžiju wón z wěry čerpa. Zastup je za wšitkich zajimowanych darmotny, proša pak wo dary za telefonowe dušepastyrstwo kaž tež za ambulantnu hospicnu a paliatiwnu poradźowansku službu.